

Ñiic 45

1. Ci Kuoth ruacdæ mëë cæ lar kâp kæ muœc Dhæ-kæ-riæ-yæ kænæ Lidh-bæt kæ gat?

-Juä.

2. Ci Dhæ-kæ-riæ-yæ jæ ñàc idi i bi Kään bèn kâ bæ naath kân kâ buœm duirä, kæ lià, kænæ Ciæ-tan?

-Kæ šoo ci Dhæ-kæ riæ-yæ Bök Kuœth kuæn æn šoo ci Kuoth æ lar i bæ Kään jâk.

3. Æn lât ëë dè gat Dhæ-kæ-riæ-yæ ni Jœœn æ lât æ ñu?

-Bi Jœœn jâl nhiam Kuâr, kæ šoo bæ duœœp rialikâ kæ kuidæ.

4. Æn Kuäär æ mœ æ ña, ænœ bi Jœœn duœœp wä rialikâ kæ kuidæ mœ?

-Æ Yecu, min la Kuoth in Kään.

5. Æn Kään bæ bèn cèt kæ këny cãñ idi?

-Cèt kæ min la këny cãñ kæ kœr muœth wâr, inœ bâ bi Kään bèn kæ šoo bæ buay bèn mun mi bæ luææel ni muuth Ciæ-tan.

6. Tè šœw kæ cãñ dàñ di wic muœœn?

-Æ cãñ kæl kârœa.

7. Tè šœw kæ Kääni dàñ di ti ci Kuoth kæ lar i bæ jâk?

-Æ Kään kæl kârœa.

-Kæ run ti ñuan tè ci wä, ci Kuoth Ab-ram, Ai-dhæk, kænæ Jæ-kœb lâr Šoo bæ Kään jâk kæ kuaykiæn.

-Tämæ, kæ kœr runi ti ñuan, cu Kuoth lâræ kâp kæ šoo bæ Kään jâk kæ kuay Ab-ram, kæ Ai-dhæk, kænæ Jæ-kœb.

Kuænæ Mÿthiu 1:1-2

1-Cioot guàndœœeni Yecu Keritho ni gat De-bid, gat Ab-ram:

2-Cu Ab-ram la guan Ai-dhæk, cu Ai-dhæk la guan Jæ-kœb, kä cu Jæ-kœb la guan Juuda kænæ dämani.

-Kä Yecu bæ thöö duèl in diæn?

-Bæ thöö duèl Ab-ram, Ai-dhæk, kænæ Jæ-kœb.

-Cèt kæ mää ci Kuoth æ lar kæ duœœep gòkni tää wal, bi Yecu la raan thuœek duèl Ab-ram, Ai-dhæk, kænæ Jæ-kœb.

-/Kèn Kuoth rietdæ mèt tòl.

-Kuoth ni ciañ la kääp min cæ lar.

-Æ thök duèl Kuàr Ji Juudh in diit indiæn ænää bæk Yecu raar thin œ?

-Æ thök duèl kuàr in diit ni De-bid.

-Cèt kæ mää ci Kuoth ruac kæ duœœep gòkni ni wal, æn Yecu bæ dhil la rami bè kä kuay kuàr in diit ni De-bid.

-/Kèn Kuoth rietdæ mèt tòl.

-Kuoth ni ciañ kääpæ ruacdæ.

-Keritho æ ciot mi dœñ kæ kui Yecu.

-Kä ciot Yecu min la “Keritho” lötæ ni ñu?

-Æn ciot ni “Keritho” lötæ ni šoo æ gòk, æ Kuäär palä, kä æ Kuäär in diit.

-Æn ciot ni “Keritho” lötæ ni šoo æ gòk.

-Ci Kuoth Yecu jæk kæ šoo bæ la gòk mi gèè æ lòñ.

-Ci Kuoth Yecu jæk kæ šoo bæ la gòk mi gèè mi bi Nop mi gèè bèn lar.

-Æn ciot ni “Keritho” lötæ ni šoo æ Kuäär palä bä.

-Ci Kuoth Yecu jæk kæ šoo bæ la Kuäär palä mi gèèr.

-Ci Kuoth Yecu jæk kæ šoo bæ la Kuäär palä mi gèèr mi bi luur mi dit ni jæn thop.

-Æn ciot ni “Keritho” lötæ ni šoo æ Kuäär in diit bä.

-Ci Kuoth Yecu jæk kæ šoo bæ la Kuäär in diit mi gèèr.

-Ci Kuoth Yecu jæk kæ šoo bæ la ruèèc mi la Kuäär in diit thöò duèèl Kuär in diit ni De-bid.

-Ci Kuoth Yecu jæk kæ šoo bæ la Kuäär mi gèèr mi bi ruèc æ mäni cãñ kæel.

-Æn Yecu Keritho æ jæn kärœa èè ci Kuoth æ lar i bi la Kään œ.

-Æn Yecu Keritho æ jæn kärœa èè ci Kuoth æ lar i bi naath kän kä buœem duirä, kæ lià, æ mäni Ciæ-tan.

-Ci Kuoth jääk nhial jækä Meeri kæ šoo bæ jæ jioek i bi Kään dap.

-Meeri ca jæ làr kuèn æ wut mi cœali Jœ-thæp.

-Kä mæmæ æ min ci tuœœek:

-Meeri æ nyami /thil luum mi ca làr kuèn æ Jœ-thæp, kä jæn ruètæ.

-Kä kæ šoo /kèn Jœ-thæp Meeri ni kuæn, /thil kæ guààth mi ci kæ mèt mat thin kææel.

-Kä kæ šoo Meeri ruètæ, æ ñu mi ci Jœ-thæp æ car?

-Ci Jœ-thæp æ car i ci Meeri tœœey kæ wut mi dœñ.

-Kæ kui æ mœ, ci Jœ-thæp æ car i bæ Meeri däk.

Kuænæ Mÿthiu 1:18-19

18-Kä cu dâp Yecu Keritho tuœœk inæ: Cuœ man ni Meeri lâr kuèn æ Jœ-thæp, kä mœë ñöt kæ /kèn kæ ni tè kææel, cuæ jœœey i ruètæ kæ gat mi ca lâth jÿydæ æ Yiëë in goea in Šæl roe.

19-Kä kæ šoo cœwdæ ni Jœ-thæp æ ñuàn cuñni /cæ jæ gòr i bæ jæ möc kæ poc, cuæ jæ cu car i bæ jæ däk kæ tçç.

-Æn Meeri cæ mèt tœœey kæ wut?

-Šèth.

-Kä cu Meeri kulæ ruèt kæ gat idi?

-Ci Kuoth ni Yiëë in goea min Šæl roe nyuuth mi gäÿ naath lât, kæ šoo bi Meeri ruèt kæ gat.

-Æn gat in tè jÿy Meeri æ Kuoth min la Kään.

-/Kèn Kuoth æ gòr i bi Jœ-thæp Meeri däk.

-Kæ kui æ mœ, ci Kuoth jääk nhial jæk kæ šoo bæ ruac kæ Jœ-thæp kæ læk.

Kuænæ Mÿthiu 1:20-21

20-Kæ koer kä mœë ci Jœ-thæp mæmæ tit, cu jääk Kuâr nhial päl kä jæ kæ læk kä jiokæ jæ, “Jœ-thæp, gat De-bid, /cu dual kæ kuèn ciekdu ni Meeri, min ruèt kæ jæ æ mi bëë kä Yiëë in goea in Šæl roe.

21-Kä jæn bæ gat dap, kä bi jæ cœl i Yecu, kæ šoo bæ næækæ kään duèèrikiæn.”

-Æ ñu mi ci jääk nhial æ lâr Jœ-thæp kæ læk œ?

-Ci jääk nhial æ lar i gat Meeri æ mi lâth kæ thin æ Kuoth min la Yiëë ni Šæl roe kæ nyuuth mi gäÿ naath.

-Ci jään nhial æ lar i gat Meeri æ Kuoth min la Kään.
-Ci jään nhial æ lår Jœ-thæp i bæ Meeri dhil nañ æ la ciekdæ.

-Kä ci jään nhial æ lår Jœ-thæp æn šoo bæ gat Meeri cåk ciot i Yecu.

-Ba Yecu dap wii muœœen kæ Šoo bæ naath bèn kæn.

-Ci Yecu bèn kæ šoo bæ naath bèn kæn kä buœem duirä.

-Ci Yecu bèn kæ šoo bæ naath bèn kæn kä buœem lieth.

-Ci Yecu bèn kæ šoo bæ naath bèn kæn kä buœem Ciæ-tan.

Kuænæ Mÿthiu 1:22-23

22-Ci mæmæ kæliw tuœœek kæ šoo bi mää ca lar æ Kuäär kæ duœœep gòkä la thuœek:

23-“Bi nyami /thil luum ruèt kæ gat bæ dap kæ gat mi dhœl, ba ciotdæ coel i Æ-man-wæl”–min löt ni šoo, “Kuoth æ kæn kœn kææel.”

-Ci gòk æ lar i ba Kään dap æ nyami /thil luum.

-Cèt kæ mää ci Kuoth æ lar kæ gòk tää wal, ba Yecu dap æ nyami /thil luum.

-Kä kæ šoo Yecu æ Kuoth, bæ dhil tää kæ ciot ti ñuan.

-Ciot mi doẽñ kæ kui Yecu æ Æ-man-wæl.

-Kä ciot ni “Æ-man-wæl” lötæ ni ñu?

-ciot ni Æ-man-wæl lötæ ni šoo “Kuoth æ kæn kœn kææel.”

-Kä æ ñu ba Yecu coel i Æ-man-wæl œ?

-Kæ šoo Yecu æ Kään mi bi bèn kä bi cieñ kæ naath kææl.

-Æn gat Meeri in ba dap æ Yecu, min la Kuoth min la Kään, mi bè ni cieñ nhial kæ šoo bæ cieñ kæ naath kææl.

-Æ ñu mi ci Jœ-thæp æ làt mēē cæ kèèr kä làk èè tæ thin?

Kuænæ Mÿthiu 1:24-25

24-Kä mēē ci Jœ-thæp kèèr, cæ mēē ci jääk Kuàr æ jiok i bæ làt làt kæ šoo bæ ciekdæ ni Meeri nañ cãñ.

25-Kä /kèn kæ tœœy æ mäni mēē cuæ gatdæ dap. Kä cuœ ciotdæ cœl i Yecu.

-Ci Jœ-thæp mēē ci Kuoth æ làr jæ kæ duœœp jääkä nhial kuẽñ làt ni luthä.

-Cu Jœ-thæp Meeri nañ cãñ æ la ciekdæ.

-Kä /kèn Jœ-thæp tœœy kæænæ Meeri æ mäni mēē cuæ gatdæ dap.

-Kä ñiic in doẽñ, banæ dap Yecu ñàc æ goea.